

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in plazz Contarén e in Borg S. Bartolomeo.

Abonaments par l'interno un An quatri francs; 6 mes doi francs; par l'estero il dopli.
Inserzioms intindisi cu l'Aministrazion. Mandà i bez cun letare raccomandade o in vaglia postal al sempis indirizz: — Aministrazion dal Florean dal Palazz, Udin —

PREDICE

che poo su pocju fasin dugg i Plevans il di dal possess de Parochie.

« Mi presentia voaltris, miei ciars e diletes parochians cul cur agitat da speranze e da timor, speranze di essi amat da voaltris, come che i fiis devin amà il lor pari, timor di no podè jò corrispuindi a chell che voaltris si stais aspjetand da la me persone. Chell però che mi dà coragjo in cheste me ansietat si è il cognossi che o ven in miez a de buine int, che vorà compatì a la me debolezze, confortami te cure des animis vuestris. — Jo par part me declari di consideraus come miei fiis, part des mas visceris, fin da ch'est prin moment in cui jo compis lis *misticis sponsalizis* cun cheste dilete Parochie, e quindi mi consideri come un *spos* che unis la so sorte al amade spose, di gioi di cun voaltris se vares del ben, di ratristami cun voaltris se vares des disgrazis, insume di vivi e di muri cun voaltris, *spas fedel de dilete spose!* »

Jo mi sparagni di là in altris pinsirs o particolaritas zacchè il discors al ven slungiat o scurtat a norme de sapienze e valentie dal gnuv plevan, che qualche volte al è bon ance di fà valis *femenutis*, e obes *fantatis* che dutis si intenerissin al sinti disoori di *gnorziis*, di *spas fedel* e de *dilete spose*.

Cumò lassait che jo, Florean, fasi un pizzul coment sul ristrett di cheste predice, e sore di chell che al suoced da li a quali che an dopo tang amors, e tantis promesis di fedeltat, ma prime ves di permetimiche us conti une storie.

Una sera un tal al si presente al so plevan e i diis: Che al mi consei tal miò cas! Saran vot agns che o mi soi sposat!

In atora la me femine ejere un fior, al mi

ha parturit tre quatri fouzz che son il diaul, simpri e vain; no mi lassin durmi nè di di, nè di gnotti, je e jò diventade une sglenclare, no ha plu nuge nè davanti, nè dautr, insume soi stuf di jò parcè che si è fate anches rabiose come un serpiut, e spuzze il fiat, insume no si podaressial ciatà il mud di cambiale, di cioli un altre, (ben s'intind che jo o prevedarèss a la susistènze dai fiis e de femine). Cè disial sior Plevan?

Il bon Paroco alorè dant une ciadade a ch'est so parochian, di pàure che al for diventat mat, si tire indaur cu la ciadree e i diis: Cui dal diaul us ajal mitut in ciab ch'est sproposit? No saveso ce che al diis s. Pauli?... — Che nol mi feveli nè di s. Pauli, nè di s. Pieri. Cè credial, che jo o sedi tant gnogno di no savè chell che o diis, e miei andemò di *osservà chell che si fas*. Che al disi, sior Plevan. No isal lui il spos de nestre parochie, de nestre glieie?

— Si sa po. — Lu ciapi in peraule. No isal l'istess di dugg i plevans cu lis lor parochis? — Si...ma... Che al sinti: Jo soi stat all'ingress di diis, dodis plevaps e hai squasi simpri sintut a fevelà di ch'est eterno amor del spos a la spose, dal plevan a la Parochie. — Che al mi spieghi lui il parcè cumò, che un plevan al lasse la so parochie, la so dilete, e che al cambie la spose come il cambià di ciamese? E dovares jessi l'istess cul marit che al ul cambià femine, e cu la femine che cambià marit. No starassial miei? Ciò, di une bande sior che al saress miei; ma s. Pauli... Che al lasci là s. Pauli, e che i plevans e fasin di meno di fevelà di ch'est matrimoni spiritual quand che no l'ha di jessi similtes consequenzis al nêstri matrimoni. Il plevan tra di se, che il diaul lu puarà, altric che mat! Cumò si fasia a rispuindi? Duncè ce disial? Ciò! Siden dai cas stra-

ordenaris che al po' rompi si ance un matimoni, e cussì anca come un plevan al cambi di parochie, ma ch'est nol è il nestri cas. E jo i diis sior Plevan che il cambiament di parochie al è invece tant spess che se al fos permutut di cambia femine in egual proporzion podaress tociami anca a mi di ciol ale di miei di chell che ore possed. Jo mi contenteress di poc, ma i predis uelin simpri vè une plui gruesse, e ch'è a dei dal bon lat, e da la buine ciar, uelin viodi, siati, tocià e gioldi, no han mi-ghe tuart! (il Plevan spaventat al met lis mans tai ciavei): Ce che mi toce di sinti! Par dugg i cas, sior plevan, jo i discor soltant di chell che al è sucedut a Udin. In citat e je la parochie di s. Zorz che da quasi un secul no ha vut honor di fa il *Requiescat* al so plevan ad onte che i siors sein da plui buine int dal mond e i contadias dug di bon esempi. Daurman in ch'est secul doi son muars cialanis, un l'è lat a Buje, un a Plev di Rose, un a Tre-sesin, il Nobilomp che han cumò lu pas-saran in *domo*, o come che si ciacàre a *Buri*. Altri che cas rar. — Taseit us prei lassin là, lassin là. — Ah, ah cussì a je. La finarai cussì jo viodia! dome disin, e che si podin concludi lis predicois. — Se fais chell che us diis larès in Paradis, se fais chell che fas jo; no larin nè jo nè vo. — Il rest Joibe che ven.

CHELL CHE FLOREAN AL SINT SENZE OLE

Dialogo fra Tite Lung e Zuan Frasin

— Ohe Zuan, cemud ise che no tu tila-sis mai viodi? sestu diventat un salvadi?

— Ce sustu che o ti disti jod. Cunc heci afars che son in zornade, no si po' pardie slangiassi tropp.

— E ce isal di gnuv?

— Di gnuv? Se nol foss il famos fabricat a la Stazion.

— Ah sì, ce porcade che han fate, ce ti parial arti?

— A mi mi par che son robis far dai limis.

— E sastu nufe che il nestri Comun al è diventat un sior?

— Un sior? Po ben cussì e calaran un poc lis tassiss che si è plens fin ai voier.

— Brac, ma cu la ereditat Marangoni si va a durmì a seur.

— Come, dunc no jè vere come che al diseve Meni Muse te *Pating dal Friul* che il nestri Comun al ha ereditat un milion?

— Vastu daur di ce che al sbare Meni Muse tu? Po no sastu ce qualitat di trom-bon che al è?

— Veramentri lu sai, ma oio, o credevi che almanco une volte al vès ditt la veretat.

— No, no, ami ciar, si trata in ultim, di un gnuv intrig che si ciol il nestri Co-mun di aministrà dai capital par judà qua-tri zovins a studia e par comprà quadris par fa une pinacoteche.

— Sì, si dutis bielis robis, ma cu lis quals no si va nè a gustà nè a cene.

— E nance no si pad un centesin di debit.

— Nè si calè un bagatin di tassiss...

— E nance miezz centesin dai daxis.

— Ma e varin tante brave zoventut di plui e une raccolte di quadris.

— Ah ce consolazion, ah ce gust, ha ce plazè matt!

— E son robis, folc mistrai, che fasin vigni paghe in bocce.

— E se tu has appetit va a sinti la mu-siche in Marciatvieri.

— Pozà, e a ore di gustà a cialà i qua-dris. Mandi.

— Mandi, mandì.

DA LA ZAR DI FLOREAN

O ricev o o publichi:

IL MUINI DE MADONE DI GRAZIE.

« Il dì dal funeral di Pre Luigi Ferui, a Madone di Grazie si ciatave a jessi une store inzenoglade sun tun banch che divo-tamentri scoltave la Messe.

Quand che no l'è, è viod che si intro-duseve il convoglio funebre, acompagnat da dutis lis suoris di caritat.

Ferme la store in tal so puest, e viod che tal so band e jentravin lis devotis, e jè in tal so sant pinsir no si moveve.

Dutt in tal moment al si fas dange il vecio muini Sandrin, e cum dute aroganze al intime a che store di slontanassi, par lassai libar il puest a lor. El jè senze viarzi la boca, si giavà restand in pia.

Al è di compati, parcè come che si diis, al ha in te so etat piardude la tramontane,

e dutt al proven di speculazion, di casse.
Però bisugne domandai di bui che je la mobiglia de glesie, e quale che sei stade la borse spandude par comprale.

Dugg rispuindin che jè robe de comunitat, e dugg in general han dirit d'inzenoglassi, e sintassi, dula che i par e plas, senze che nissun jentri a rompi la devozion.

Ma chell puar vecio, dopo tang agns che al spache la casselle, che nol vevi mai comprendut, o che nol ul comprendi, che la rason e jè cussi?

Alore bisugne ciata la maniere e fai dà principis di scuele, è cialciai ben in tal ciav, par cal riesci a fa un bon exam, di cialassi, che se, une volte sole si ves di viodi une tal inconvenienze, in tal avigni al dares una dimostrazion di che benedete creanze, che esig il secul dal progress. »

O ricev e par debit di imparzialitat o publichi:

LA DIFESE DES SARTORELIS.

Nissun al mond al podarà dineà che il decoro nol sei un biel andament.

Quindi noaltris sartorelis, l'art istesse nus oblee a presentassi denant lis personis d'alto bordo, cun dute decenze, par no piardi la stime e l'onor.

In ches cas lis sartorelis no varan mai a diventà rossis, se anca la libertat di malvivente e sei che di descriveri il nestri andament, e inserilu sul giornalet di joibe stade.

Se al foss une persone ben educada, e galant in se stess, nol varess che di amirà, e di laudanus in tal debul nestri stat.

Ma essind un pessotòs, e sporcacion, no si po pretindi che di senti, de so nefanda boce che calunis e maldicenzis.

Cal viodi di purgassi e cal procuri di entrà une volte in te classe de civilizacion, che al pretind il secul dal progress.

E se al fos anca stat insoffat di qualche graziose zovenute, che i disi a cont nestri, che viodi di cialassi prime jè, di ciav a piis, e che osservi ben, se tante quantitat di maglis che ha in duess.

Usi e Costumi.

O ricev e o publichi:

Ciar Florean

« O hai lett sul to giornal l'articul di Joibe riguardant lis sartorelis ed il so

lusso tal vistì. Tu ta ti fas lis maraveis parceche cun che pae (no stran) che tirin no puedin nè vistissi nè mantignì o almanco judà la famee ecc. ecc.

Ah sante inocenze dal miò ciar Florean! si viod propri che tu ses dai tims antigs, quand che i omps e tiravin su i bragons cu lis caruculis, ed unmont ingenuo: a no savè come che fasin a marcià in che maniere.

In prinis et antimonio jo ti farai savè che unmontis di lor e han par moros zovins di buteghe di panine o di chincaglierie. (magari doi t'un colp, cussi al torne plui cont). Chertis tals e han plazè di ve par moros chesg moscardinus parceche quando il gato nol ve i sorzi bagola..... e alore nance il cian mene.... la code di band.

Altris tals plui furbis e par divertissi di plui, e han relacions cun siors e cun int che pae ben. Par esempi: si fas finte di là a scuele, (tal doman si dis a mestre che si ere malade), e des vot a misdi, o des dos es vot di sere, second i momens, si va in ciartis ciasis, e cull in citat, come che tu sas, and'è diviarsis, dula che dan ciarnis amobiliadis a ore, pan imparà.... a cusi a machine.

Dopo e son ciars brunisg che an caparin (e lor anca si racomandin) par ciars viaggiators, che spindin ben; e che lis menin a spass par chesg ameni dintorni..... e felice note....

E cussi, mio caro, ciapando un poco di quà e un poco di là, si fa una grande figura, e cui che nol sa al orod che lis mestris des sartorelis lis pain tanche ministros.

Mandi, ten dret.....

La Justizie che sta di oiaze donge di te su la colone. »

Florean al ha publicade cheste letare, come che al publiche che altre in difese des sartorelis.

Sun ches argument al sares unmont di di pro e cointri; par altri chell che mi prem di stabilì al è ches che Florean in chestis publicacions nol intind di ofindi dute une classe di personis, nè indicà cheste o che altre, ma di dà sfogo a lagnos che pur trop e han qualchi fondament.

Si, sa che il bon e il ciativ, plui o manco, si lu ciate dapardutt, e cussi al è anca pes sartorelis; an sarà di ciativis ma and'è anca di buinis. E o mett che anca fra ches che vadin in un ciart lusso e se in instess di buinis. Soltant Florean al osserve che ches lusso unmontis di voltis al è fur di puest.

e dutt al proven di speculazion, di casse.
Però bisugne domandai di bui che je la mobiglia de glesie, e quale che sei stade la borse spandude par comprale.

Dugg rispuindin che jè robe de comunitat, e dugg in general han dirit d'inzenoglassi, e sintassi, dula che i par e plas, senze che nissun jentri a rompi la devozion.

Ma chell puar vecio, dopo tang agns che al spache la casselle, che nol vevi mai comprendut, o che nol ul comprendi, che la rason e jè cussi?

Alore bisugne ciata la maniere e fai dà principis di scuele, è cialciai ben in tal ciav, par cal riesci a fa un bon esam, di cialassi, che se, une volte sole si ves di viodi une tal inconvenienze, in tal avigni al dares una dimostrazion di che benedete creanze, che esig il secul dal progress. »

O ricev e par debit di imparzialitat o publichi:

LA DIFESE DES SARTORELIS.

Nissun al mond al podarà dineà che il decoro nol sei un biel andament.

Quindi noaltris sartorelis, l'art istesse nus oblee a presentassi denant lis personis d'alto bordo, cun dute decenze, par no piardi la stime e l'onor.

In ches cas lis sartorelis no varan mai a diventà rossis, se anca la libertat di malvivente e sei che di descriveri il nestri andament, e inserilu sul giornalet di joibe stade.

Se al foss une persone ben educada, e galant in se stess, nol varess che di amirà, e di laudanus in tal debul nestri stat.

Ma essind un pessotòs, e sporcacion, no si po pretindi che di senti, de so nefanda boce che calunis e maldicenzis.

Cal viodi di purgassi e cal procuri di entrà une volte in te classe de civilizacion, che al pretind il secul dal progress.

E se al fos anca stat insoffat di qualche graziose zovenute, che i disi a cont nestri, che viodi di cialassi prime jè, di ciav a piis, e che osservi ben, se tante quantitat di maglis che ha in duess.

Usi e Costumi.

O ricev e o publichi:

Ciar Florean

« O hai lett sul to giornal l'articul di Joibe riguardant lis sartorelis ed il so

lusso tal visti. Tu ta ti fas lis maraveis parceche cun che pae (no stran) che tirin no puedin nè vistissi nè mantignì o almanco judà la famee ecc. ecc.

Ah sante inocenze dal miò ciar Florean! si viod propri che tu ses dai tims antigs, quand che i omps e tiravin su i bragons cu lis caruculis, ed unmont ingenuo: a no savè come che fasin a marcià in che maniere.

In prinis et antimonio jo ti farai savè che unmontis di lor e han par moros zovins di buteghe di panine o di chincaglierie. (magari doi t'un colp, cussi al torne plui cont). Chertis tals e han plazè di ve par moros chesg moscardinus parceche quando il gato nol ve i sorzi bagola..... e alore nance il cian mene.... la code di band.

Altris tals plui furbis e par divertissi di plui, e han relacions cun siors e cun int che pae ben. Par esempi: si fas finte di là a scuele, (tal doman si dis a mestre che si ere malade), e des vot a misdi, o des dos es vot di sere, second i momens, si va in ciartis ciasis, e cull in citat, come che tu sas, and'è diviarsis, dula che dan ciarnis amobiliadis a ore, pan imparà.... a cusi a machine.

Dopo e son ciars brunisg che an caparin (e lor anca si racomandin) par ciars viaggiators, che spindin ben; e che lis menin a spass par chesg ameni dintorni..... e felice note....

E cussi, mio caro, ciapando un poco di quà e un poco di là, si fa una grande figura, e cui che nol sa al orod che lis mestris des sartorelis lis pain tanche ministros.

Mandi, ten dret.....

La Justizie che sta di oiaze donge di te su la colone. »

Florean al ha publicade cheste letare, come che al publiche che altre in difese des sartorelis.

Sun ches argument al sares unmont di di pro e cointri; par altri chell che mi prem di stabili al è ches che Florean in chestis publicacions nol intind di ofindi dute une classe di personis, nè indicà cheste o che altre, ma di dà sfogo a lagnos che pur trop e han qualchi fondament.

Si, sa che il bon e il ciativ, plui o manco, si lu ciate dapardutt, e cussi al è anca pes sartorelis; an sarà di ciativis ma and'è anca di buinis. E o mett che anca fra ches che vadin in un ciart lusso e se in instess di buinis. Soltant Florean al osserve che ches lusso unmontis di voltis al è fur di puest.